



12. august 2011

UKA 2011/96

Inatsisartut suleriaasianni § 33 malillugu matumuuna aaliangiiffigisassatut siunnersuut imaattoq nassiunneqarpoq:

**Inatsisartut aalajangiiffigisassaattut siunnersuut Naalakkersuisut pisussaatinneqassasut qallunaat naalakkersuisui atassuteqarfigissagaat aqqusinermi angallannermut §18-ip allangortinnissaanut. Taamaasilluni 16-nik ukioqalereersimasut qamuteqalannik ingerlatsisinnaalernissaat naammanginartumik aqqusinermi angallannermi maleruagassanik misilitsinnermikkut angusaqarsimagunik, imaluunniit qamuterallannik ingerlatsiniartut allat biilnik ingerlatsinermut allangartaqarnissaat angallannermut inatsisip atuuffiini.**

(Inatsisartunut ilaasortat Knud Kristiansen og Siverth K. Heilmann, Atassut)

**Tunngavilersuut:**

Qamuteqalannik angallanneq annertuumik atungaavoq, taakkulu amerlasuutigut sakkortuunik motooreqartarput sukkalisaarujussuarsinnaallutillu. Amerlanertigut qamuterallannik ingerlaarneq pisarpoq angannermut inatsisip atuuffiata avataani. Angallannermut inatsisip atuuffiini qamuterallannillu angalaarniaraanni Atassut-mit isumaqarpugut pissusissamisuussasooq qamuterallannik atuisut inatsisinik atuuttunik ilisimaarinnilluarnissaat taamaasilluni aqqusinerne qamuterallannik ajutoortarnerit pakkersimaarniarlugit.

Atassut-mit isumaqarpugut peqqussutissanik sulissuteqartoqarsinnaasooq qamuterallannik angallannermut inatsisip atuuffiini angalaniaraanni biilernerne allangartaqartariaqartoq imaluunniit angallannermut inatsinik ilisimannernerne misilitsissimasariaqartoq, soorlu inunnut 16-leereersimasunut tamanna atorneqarsinnaasooq. Angallannermut inatsisinik nammannginartunik ilisimasaqarnerne uppersaammik peqarnikkut uppersarsarneqarsinnaasaaq angallannerne inatsisit ilinniarsimaneeri.

Angallannerne inatsisinik ilinniarsinnaanneq takorloorparput unnukkut atuartitsisarnikkut imaluunniit billernerne ilinniartitsisutigut akiliilluni pissarsiarineqarsinnaasasooq, tamannali Naalakkersuisut aaliangissavaat sorleq tulluarnersasooq.

**Aningaasaqarnikkut allaffissornikkullu pisortanut kingunissai:**

Aningaasaqarnikkut allaffissornikkullu pisortanut aningaasartuuteqassaaq unnukkut atuartitsisarnikkut uppersarsaat pissarsiarineqartassapat.

**Aningaasaqarnikkut allaffissornikkullu namminersorlutik inuussutissarsiorneut kingunissai:**

Inuussutissarsiorneut aningaasartuutaanissaa naatsorsuutigineqanngilaq.

**Aningaasaqarnikkut allaffissornikkullu inunnut ataasiakkaanut kingunissai:**

Innuttaasunut qamuterallannik ingerlatsisinnaanerne uppersaammik peqarusuttunut aningaasartuutitaqassaaq, aqqusinerne angallannerne inatsisinik ilinniaqqaarnissaaq piunasaqataassamat.